

**La Uniun dles Èles invièia al pelegrinaje dl altonn** en mercuri ai 12 de otober. I piun ia dales 13:00 da Pedraces cun la coriera cina a Milland. Do na picera oraziun tla dljia de S. Ujöp Freinademetz junse sö dala secunda dljia da Milland dedicata a S. Maria. I se fajun spo n bel spazier sön la Karlspromenade cuntra Pursenú (n'ora da jí a pe, mo nia sfadius). Al Hotel Grüner Baum, olache mangiarun val da domisdé se incuntarun ince cun Siur Sepl che se dij dales 18.00 na S. Mëssa tla Pfarrkirche St. Michael da Pursenú. Le cost é de 40,00€. Prenotesse pro Roberta 338/3852548 anter la domènia ai 09 de otober. (präibel domisdé o da sëra, ince n whatsapp vá bun).

**Ciasa de Palsa:** picera festa cun i berbesc, les mëdes y sü familiars en sabeda, al 01 d'otober, De di seniors. Düc é inviá ala Mëssa dales 15.00 dedô a sté adöm pro café y val' de duc. Al ó ester le Green Pass renforzê (booster o test negatif fat tl'apoteca) y le mascherot FFP2.


**Curs da fá scofuns de felter (Filzpatschn):** curs de basa por fá sconfuns de felter organisé dal Consëi de Formaziun Badia ai 03 de otober dales 19:30 te calonia a La Ila. Al vëgn metü a desposiziun le material (lana, spëisc y ater) y plates cun istruziuns da podëi tó para a ciasa. I partezipanc dess savëi da fá cialza sön le dërt y rodus ("stricken"). Se scri ite cina ai 28.09 pro Margit al nr. 340 3438709.

**L'APCAT adüm al Consëi de Formaziun Badia** invièia la popolaziun a n referat cun discusciun sura le consum de alcol y droga, mertesc ai 27 de setëmber dales 20:00, a Badia tla Ciasa Runcher. Le dr. Peter Mazzurana dla Polizia de Stat da Balsan nes dá informaziuns sura la prevenziun y nes cunta di aspec iuridics.

**Referat** "Lebe, lache, liebe...und sag den Sorgen gute Nacht" cun Schwester Teresa Zukic: en lünesc, ai 26 de setëmber dales 19:30 te salf de Comun a Corvara.

**Referat: "Ich ging durch die Hölle"** a Corvara te calonia cun Konrad Fissneider sura le consum de droga en mercuri ai 28 de setëmber dales 17:00 organisé dal Consëi de Formaziun Corvara.

**Le KVW de Badia** organisëia **2 cursc de ingleje** ( conversation ) che mët man ai 27 y 29 de setëmber. Infos pro Cristina al nr. 333 1591599.



# Plata dla Ploania Badia

San Iaco - San Linert


Ploan: **Siur Iaco Wendelin Willeit**  
Cell. **347 909 4532**

Calonia Badia: **0471/839571**

E-Mail: **parrocchiabadia@libero.it**

Radio dla Ploania: **91,10 Mhz**

UNITÉ PASTORALA



**VAL BADIA**

[www.unitepastorala.org](http://www.unitepastorala.org)

Ann „C“ 25.09. – 02.10.2022 XXVI° Domènia Tëmp Ordinar n. 44



“C’era un uomo ricco....  
un povero, di nome Lazzaro,  
stava sulla sua porta....”

Luca 16,19

## Vangele dla proscima Domènia - 27° dl Ann “C”

Lüca 17,5-10

Te chël tëmp á i apostui perié le Signur: Renforza nosta fede! Le Signur á respognü: Sce osta fede foss ince ma tan grana co n granel de sënff, podesses dí a chësc lëgn da bromores: Alzete cun tües raisc fora de tera, y implantëiete tl mer!, y al ves olgass. Sce un de os á n stláf che é pro l'aré o che verda i tiers, ti dijel forsc canch'al vëgn dal ciampopré: Fate atira pormez a mangé? Ne dijara nia plülere; Fame val' da mangé, ariñnete y sorvësceme, y do ch'i ará mangé y boiü, poste ince tö mangé y bëre. Ti dijel mo dilan al stlaf, deach'al á fat ci ch'al é gnü comané de fá? Insciö dessera ince ester pro os: Canch'i arëis fat döt ci ch'i sëis gnüs comané de fá, desses dí: I sun de püri stlafs, i ün fat nosc dovëi.

# FUNZIUNS SACRES

## 25.09. **26<sup>a</sup> DOMÈNIA di ANN C** - De di profugs y migranc

10.00 **Mëssa por la Comunità**

†ti Burchia da Pedraces

†ti Giovanni y Maria Adang

18.00 †ta Carolina Alfarei – aniversar

†ti Paolo y Carlina Pitscheider

por fam. da Fussé

## 27.09. Mertesc – **S. Vinzenz de Paul**

19.30 †ta Maria Pitscheider da Ruac – aniversar

†ti Paolo y Emilia Pitscheider

## 28.09. Mercui

**07.25 Mëssa cun i scolars**

†ta Sandra Pallesstrong - aniversar

†to Edi Adang

†ti Herbert, Oskar y Olga Costa

## 29.09. Jöbia - **Ss. Michil, Gabriel y Rafael**

07.30 *Prozesciun da S. Linert a La Crusc*

09.30 La Crusc: Santa Mëssa

†ta Marlies Passler Hilber

por fam. Gilbert y Barbara Irsara

por fam. Lauränz y Agnese Tasser

por fam. Paul y Ida Frenademetz

## 30.09. Vëndres - **S. Iarone**

07.30 †ti de Paola Pitscheider Ploner / por les animes dl purgatore

19.30 *Prozesciun di ëi da S. Linert a Oies*

## 01.10. Sabeda - **S. Tarejia da Lisieux / dl Bambin Gejú**

11.30 Noza de Thomas Tavella y Beatrix Bioc

15.00 Nozze di Andrea e Virginia

16.00 Mëssa a Oies

## 02.10. **27<sup>a</sup> DOMÈNIA di ANN C** - **Festa de Rosare**

10.00 **Mëssa por la Comunità**

†ti Nane y Tone Anvidalfarei - aniversar

†ti Otto y Zilia Adang

por fam. Sandro y Emma Canins

18.00 **Mëssa cun les families**

por i novic Marco Moling y Stefanie Burchia

†ti Merch y Maria Irsara

por fam. Linert y Maria Irsara

# Dala VITA dla CÛRA

## **Festa de S. Michil a La Crusc**

en jöbia, ai 29 de setëmber 2022

dales 07:30 Prozesciun da S. Linert a La Crusc

dales 09:30 S. Mëssa en onur di Angeli Michil, Gabriel y Rafael



En sabeda, ai 24.09.2022 se á uní tl Sacramënt dl MATRIMONE Andy Pizzinini cun Noemi Canins. Dûta la Comunità ti aoda tröpa ligrëza y benedisciun sön so tru deboriada.

**“Umes præia deboriada”**: chësc grup se abina en mercui ai 28 de setëmber dales 20:00 te dljia por n’ora de oraziun olache duc é inviá.

**Legio Mariae** inviëia duc en jöbia, ai 29 de setëmber dales 14:00 te dljia por perié adüm.

**La “Kmb” Uniun di ëi decanat Val Badia** inviëia ëi y jogn da tó pert **ala prozesciun cun linternes** ( da se tó para ) en vëndres ai 30 de setëmber dales 19:30 dala dljia de Badia a Oies.

**Bibel erleben – Bibliolog**: en vëndres, ai 30 de setëmber sarál dales 14:30 a Oies na introduziun por todësch al „Bibliolog“. An liará la Sacra Scritöra te na manira via y interessanta por la vita. Da se prenoté dai 22 de setëmber inant al nr. 0471/839635 ( Br. Michael Ertl ) o [info@freinademetz.it](mailto:info@freinademetz.it)

Reich, ist wer viel hat.

Reicher ist, wer wenig braucht.

Am reichsten ist, wer viel gibt.